



**CONVOCATORIA DE PROBA PARA DOUS CONTRATOS EN PRÁCTICAS  
NA CATEGORÍA LABORAL OPERADOR-MONTADOR DE VÍDEO  
EN TELEVISIÓN DE GALICIA, S.A.**

**CATEGORÍA LABORAL**

Operador-montador de vídeo.

**EMPRESA**

Televisión de Galicia, S.A.

**TIPO DE CONTRATO LABORAL**

Contrato de traballo en prácticas.

**DEFINICIÓN DE CATEGORÍA LABORAL**

Ten coñecementos das técnicas operativas do magnetoscopio e analiza, controla e axusta os sinais de vídeo e de audio.

Realiza a montaxe de todo tipo de programas ou de producións de rexistro de programas de televisión en magnetoscopios. Coñece as técnicas de montaxe e características do soporte para as gravacións.

Opera, explota, conserva e manexa os aparellos electrónicos de axuste e manipulación de toda clase de sinais de vídeo e audio.

Opera, explota, conserva e manexa os equipos eléctricos e electrónicos de telecine e realiza calquera operación principal ou secundaria de montaxe.

**REQUISITOS**

Posuér Ciclo Superior de Realización de audiovisuais e espectáculos. O tribunal pode solicitar a acreditación dos requisitos durante este proceso de selección.

Os/as aspirantes deberán posuír os requisitos académicos solicitados en data non posterior á da data de finalización de inscrición neste proceso selectivo.

Os aspirantes deberán cumplir coa normativa vixente respecto ás esixencias para poder traballar en España. Para a presentación a esta proba deberán traer o DNI ou outro documento acreditativo da súa personalidade.

O tribunal pode solicitar a acreditación dos requisitos durante este proceso de selección.

## **CONDICIÓN DO CONTRATO DE TRABALLO EN PRÁCTICAS**

Non deberon transcorrer máis de cinco anos desde a obtención do título académico requirido, sete no caso de minusvalía por riba do 33%.

A duración do contrato non poderá ser inferior a seis meses nin exceder de dous anos. Ningún traballador/a poderá estar contratado en prácticas na mesma ou distinta empresa por tempo superior a dous anos en virtude da mesma titulación ou certificado de profesionalidade. Tampouco se poderá estar contratado en prácticas na mesma empresa para o mesmo posto de traballo por tempo superior a dous anos, aínda que se trate de distinta titulación.

O período de proba será dun mes.

A retribución do traballador/a será, segundo convenio colectivo vixente, do 70% do salario fixado na categoría laboral para o primeiro ano e do 85% para o segundo.

## **TRIBUNAL**

Miguel Figueiral Jardón, coordinador de Medios (presidente).

Marta Gómez Giménez, operadora-montadora de vídeo de TVG.

María Xesús Vázquez López, asesora lingüista de Televisión de Galicia.

Paulino Novo Folgueira, xefe de formación, selección e coordinación lingüística (secretario).

## **PRINCIPIOS DE ACTUACIÓN DO TRIBUNAL**

Os membros do tribunal comprométense a garantir os principios constitucionais de igualdade, mérito e capacidade, ademais dos de publicidade e transparencia. Igualmente se comprometen a garantir o segredo das probas.

Os membros do tribunal reciben copia do art. 28.2 da Lei 30/1992, de 26 de novembro, do Réxime xurídico das Administracións Públicas e do procedemento administrativo común.

Os membros do tribunal asinarán declaración de non atoparse incursos en ningún dos motivos previstos de abstención ou recusación unha vez se elabore a listaxe de inscritos.

Os membros do tribunal comprométense a publicar esta convocatoria e as seguintes publicacións do proceso na internet da CRTVG ([www.crtvg.es/crtvg/oficina/emprego-e-practicas/ofertas-emprego](http://www.crtvg.es/crtvg/oficina/emprego-e-practicas/ofertas-emprego)) e na páxina de FP da Xunta de Galicia.

Os membros do tribunal comprométense a garantir a adaptación que se considere necesaria para a participación nas probas en condicións de igualdade a aspirantes que padezan algunha discapacidade igual ou superior ó 33%, se for o caso.

O asesor lingüista encargarase de poñer a proba de coñecemento de lingua galega e de valorala en exclusividade. O resto de membros do tribunal encargaránse de poñer as probas de desenvolvemento teórico e práctico, e de puntuais. O secretario non participará na elaboración das probas nin as puntuará.

## INSCRICIÓN

Para a inscrición, os/as aspirantes deberán entregar en Recursos Humanos da CRTVG da súa sede en San Marcos ou enviar ó endereço [proceso.seleccion@crtvg.es](mailto:proceso.seleccion@crtvg.es) un *curriculum vitae* indicando claramente:

1. Que é para este proceso de selección.
2. Nome completo.
3. D.N.I.
4. Teléfono e/ou e-mail de contacto.
5. Posesión do requisito académico solicitado.
6. Data de obtención do requisito académico solicitado.
7. Posesión ou non de CELGA 4.
8. Os/as aspirantes con discapacidade cun grao de minusvalía acreditada igual ou superior ó 33% deberán facer constar se precisan de adaptación de tempo e medios para a realización da proba.

O prazo de inscrición remata o 27 de xaneiro de 2015.

## PROBAS

Ás probas poderanse presentar os/as aspirantes que figuren na listaxe definitiva de admitidos.

As probas serán o día 5 de febreiro de 2015, na sede da CRTVG en San Marcos, Santiago, ás 10:00 h. Os/as aspirantes deberán estar a esta hora na entrada das instalacións da CRTVG.

A valoración de coñecementos farase a través de:

- Proba tipo test (40%). Sen penalización por pregunta mal contestada.
- Proba práctica de edición con DVCPRO e con edición non lineal AVID (60%)
- Proba de lingua galega.

Para acceder ás prazas convocadas e/ou para quedar incluído nunha listaxe de suplentes é necesario ter superado unha nota media entre as dúas probas de 5 sobre 10.

#### *Proba teórica.*

A proba teórica consistirá nun cuestionario tipo test sobre as seguintes materias:

- Sinal de cor
- Sinal de vídeo
- Técnicas de edición
- Equipos de medida e control
- Teoría da montaxe
- Son. Conceptos básicos.
- Gravación magnética
- Magnetoscopio

#### *Proba práctica*

A proba práctica consistirá en manexo dun equipo de edición de DVCPRO e dun equipo de edición non lineal AVID.

#### *Proba de lingua galega*

Os aspirantes que acrediten a posesión do certificado CELGA 4 non terán que realizar a proba de coñecementos de lingua galega. A proba de coñecementos de lingua galega terá un grao de dificultade consonte ó programa do certificado CELGA 4, e as súas cualificacións serán únicamente de apto ou de non apto. A cualificación de non apto significará a exclusión do proceso.

Se se dese o caso, a posesión do certificado CELGA 4 (con data non posterior á de finalización do prazo de inscrición a este proceso) prevalecerá sobre o resultado obtido na proba.

### **CRITERIOS DE PRELACIÓN PARA RESOLVER EMPATE**

En caso de empate, por haber nesta categoría laboral infrarrepresentación do sexo feminino, seguiranse, por esta orde, os criterios de desempate: 1) A favor da aspirante do sexo feminino. 2) A favor do/a aspirante que tivese maior puntuación na proba práctica. 3) A favor do/a aspirante de maior idade.

### **ACCESO Ó POSTO DE TRABALLO**

Os aspirantes deberán cumplir coa normativa vixente respecto ás esixencias para poder traballar en España. Para a presentación a esta proba deberán traer o DNI ou outro documento acreditativo da súa personalidade.

Os aspirantes seleccionados deberán presentar no momento da sinatura de contrato a acreditación dos requisitos esixidos, con copia compulsada dos títulos ou certificados académicos, e informe de vida laboral.

Os/as aspirantes deberán posuér a capacidade funcional necesaria para o desempeño das funcións que se deriven do correspondente contrato laboral. Só para estes efectos, a Compañía de Radio-Televisión de Galicia poderá esixir ós aspirantes seleccionados someterse a recoñecemento médico realizado polo servizo médico da empresa.

## PROTECCIÓN DE DATOS

Ós efectos do disposto na Lei Orgánica 15/1999, de Protección de Datos de Carácter persoal, informámolo de que os datos dos participantes no presente proceso selectivo serán incorporados nun ou varios ficheiros, titularidade da COMPAÑÍA DE RADIO-TELEVISIÓN DE GALICIA (CRTVG) e da súa sociedade TELEVISIÓN DE GALICIA, S.A., con sede en Bando – San Marcos s/n, 15820 Santiago de Compostela, onde os seus titulares poderán exercitar os dereitos de acceso, rectificación, cancelación e oposición dirixindo ó Servizo de Informática solicitude asinada por escrito xunto cunha fotocopia do seu DNI.

A finalidade do tratamento dos devanditos datos, incluídos no seu caso os relativos á saúde, é a xestión do rexistro de solicitudes, a cualificación das probas que poderían comportar a captación de imaxes mediante gravacións, a avaliación dos candidatos e a confección do banco de datos para este ou futuros procesos selectivos, segundo o especificado no convenio colectivo vixente. Así mesmo, os datos básicos identificativos dos participantes poderán ser comunicados mediante a súa exposición nos taboleiros de anuncios e na web corporativa da CRTVG aos efectos de dar a publicidade esixida ao procedemento de contratación, así coma ós representantes dos traballadores e ós organismos públicos competentes.

Ós/as aspirantes daráselles unha folla de consentimento de tratamiento de datos.

En Santiago de Compostela, a 15 de xaneiro de 2015.



Asdo.: Paulino Novo Folgueira  
Xefe de Formación, Selección e Coordinación Lingüística